

# Dienelkander



**Nuusbrief van die Gereformeerde Kerk Potchefstroom-Oos**

**WhatsApp:** 067 713 2332

**Facebook:** [www.facebook.com/oosdoppers](http://www.facebook.com/oosdoppers)

**Intydse erediensuitsendings op YouTube by:** Oos-Doppers Potch

**Webblad:** [www.oosdoppers.co.za](http://www.oosdoppers.co.za)

**Erediens videobank:** <http://ow.ly/ivfZ309vsdc>

## 20 Augustus 2023

### 09:30 OGGENDEREDIENS:

#### Ds Piet Venter

Die agste aspek van die vrug van die Gees is "sagmoedigheid". Anders as al die vorige aspekte van die vrug van die Gees, word die laaste twee aspekte nie in die Bybel as eienskappe van God beskryf nie! Want "sagmoedigheid" of "nederigheid" hou in dat jy jou aan iemand anders onderwerp. God onderwerp Hom nie aan ons nie, ons onderwerp ons in nederigheid aan God en met 'n sagte gesindheid (sagmoedigheid) aan mekaar.

Hierdie sagmoedigheid wat die Gees in ons werk, het veral te doen met die wyse waarop ons as gelowiges praat wanneer ons van iemand verskil. Maak ons soos die wêreld en skree op mekaar, veroordeel ons mekaar en verkleineer mekaar? Nee, ons moet met 'n gees van sagmoedigheid met mekaar praat en mekaar in die geloof vermaan en reghelp (Gal. 6: 1)! Maar die Heilige Gees leer ons ook hier hoe ons as gelowiges met

ongelowiges, of mense wat anders as ons glo, te praat! Dat ons nie veroordeel nie, nie dink ons is beter nie, nie kwaad word nie, mense verag of verneder nie. Maar dat ons in liefde die waarheid praat.

**Tema: Die agtste vrug van die Gees: aanvaar met 'n sagmoedige hart God se wil in jou lewe en lei ander met sagmoedige woorde om dit ook te doen.**

#### Lofsang met die oog op die erediens

Lied 464: 1, 3 en Ps. 147 - 1: 1, 2

#### God en ons ontmoet mekaar

Intreelied Ps. 131-1: 1, 2, 3; Votum; Seën; Loflied Ps. 34-1: 1, 3, 7 (Tweede mel); Geloofsbelydenis: Sing Sb 12-3: 1, 2

#### Ons verootmoedig ons voor God

Wet: Matteus 5: 3 - 12; Sing Ps. 37 - 1: 1, 5, 7 (Mel van Ps. 45); Gebed

## **God bedien aan ons sy Woord en ons ontvang dit aktief in geloof**

Skriflesing: Jesaja 42: 1 - 4

Matteus 11: 25 - 30

2 Kor.10: 1 - 6

Fokusverse: Galasiërs 5: 23 en 6: 1

Sing: Sb. 17 - 2: 1, 2, 7, 8 (Kleuters gaan na hulle bediening); Woordverkondiging

## **Ons antwoord op die Woordbediening**

Gebed; Liefdegawes by die deure; Sing Sb. 11 - 3: 1, 3; Seën; Amenlied Sb 13-1.

### **GROEPBEDIENING**

Soos gereël in groepe.

### **MEELEWING**

- Pieter Potgieter ondergaan op 24 Augustus 'n rugoperasie in Pretoria.
- Ursula Wijnberg het toetse in MooiMed ondergaan en daar is vasgestel dat sy 'n rugkussing beseer het. Sy het "pynblok" inspuitings onder narkose ontvang en indien dit nie verbeter nie, sal sy 'n operasie moet ondergaan.
- Beide Hugo en Magda Huisman het die week 'n draai in die hospitaal gemaak, maar dit gaan beter met albei.
- Douw Grobler ervaar steeds swak gesondheid as gevolg van sy hartfunksie.
- Baie lidmate loop nou weer deur onder griep en verkoue en ons bid julle sterkte toe.

**Ons bid al hierdie lidmate troos en beterskap toe in hierdie beproewings.**

## **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

### **BAIE GELUK**

- Dewald Coetsee is uitgenooi om die afgelope week aan die Wêreldjeug o/16 Skaak-olimpiade in Nederland deel te neem - 'n wonderlike prestasie!
- Dana en Ryno Schutte het albei aan die "UCI Worlds Cycling Championship 2023" in Skotland gaan deelneem. Ryno was in albei sy resies ("Road" en "time trail") 61ste, Dana in sy "road" 43ste en in sy "time trail" 18de. Dit is wêreldklas en ons is trots op hulle. Albei is veilig terug in Suid-Afrika.
- Carmien Coetzee is verkies tot die Gimmieraad, Gr 9. Baie geluk!
- Pieter Kruger (jnr) het Vrydag in die Kaap gaan deelneem aan die finaal van die landswye ATKV-Redenaarskompetisie. Baie geluk Pieter!
- Altus en Nauma Blom se dogtertjie, Livia, is op 1 Augustus gebore. Ons is saam met hulle en die hele familie baie dankbaar.

### **BAIE WELKOM AAN**

Freddie Botha wat opgeneem word in die GKSA. Hy woon in Doornstr. 26, groep 18 en is die vriend van Sonja Olivier.

## ONS GROET VIR

Gerhard en Sonette Turkstra met Gerhard en Christiaan wat gemeenskap met die Geref. Kerk opsê.

## NAME VAN PERSONE VIR DIENSWERK VAN DIAKENS VOORGEHOU AAN DIE GEMEENTE VIR GOEDKEURING

Nardus van Zyl en Ammi Pelser.

## “GRIEFSHARE”: ROUVERWERKING- BEDIENINGSPROGRAM

Ons wil een van die dae weer begin met 'n volgende siklus van ons “Griefshare”-program van 13 weke, waarin lidmate weekliks begeleiding ontvang in die verwerking van rou en verlies van 'n geliefde. Ons nooi elke lidmaat wat behoefte hieraan het uit om met ds. Piet te skakel.

Tydens die laaste siklus het ons ook baie gelowiges van buite die gemeente gehad wat aan die program deelgeneem het. Indien jy 'n vriend/in of familielid het wat baat kan vind by die program, kan jy hulle gerus in kennis stel en uitnoui. Enige lid van die gemeenskap is welkom. Ons beplan om hierdie bediening op Sondaemiddae aan te bied, sodat dit toeganklik is vir almal.

## BEDIENINGE VAN HIERDIE WEEK

### Vandag

09:00 Gebedsgroep  
09:30 Oggenderediens  
Kleuterbediening  
Katkisasie Les 17  
Tee en koffie  
Groepbediening

### Dinsdag

18:00 Katkisasie gr 8 - 10

### Woensdag

10:00 Amandelbloeisels  
17:00 Katkisasie gr 11

### Donderdag

18:30 Bybelstudie: Klipdrif

## AFKONDIGINGS

- Beide liefdegawes vandag: Diakonie (Groot boks en Klein boks) Zapper-betaalmetode beskikbaar.
- Gawes volgende Sondag by die deure vir Trans-Oranje.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 12 en 13.

## KINDERFEES 2 - 6 OKT 2023



Ons begin nou volstoom werk aan die voorbereidings vir vanjaar se Kinderfees tydens die Oktober skoolreses. Ons kon met die seën van die Here in die verlede werklik 'n groot impak maak op die gemeenskap van Potchefstroom met die Kinderfees en bid dat dit vanjaar weer die geval sal wees. Behalwe vir die Belydenisklaskatkisante wat hierdeur praktiese ervaring optel, bied dit vir lidmate 'n lekker geleentheid om by 'n uitreikprojek betrokke te wees.

ENIGIEMAND WAT GRAAG BY DIE KINDERFEES BETROKKE WIL RAAK, KONTAK DS. PIET! Daar is geleentheid om te help as groepleier, met bou en oprig van toerusting, kosmaak vir die kinders, daaglikse ontvangs en inskrywing van die kinders, ens. Skakel ds. Piet sou gou as moontlik sodat julle betyds by al die opleidingsgeleenthede betrokke kan raak.

Ons bid vir die Kinderfees Diensgroep onder leiding van Engela van der Walt en Nicolette Visser baie sterkte toe.

### OORSIG OOR DIE REEKS OOR DIE HEILIGE GEES

Johannes 15: 5

Christus is die ware wingerdstok en ons moet in Hom bly sodat ons baie vrugte vir God kan dra.

Johannes 15: 1

God (die Boer) het vir Homself 'n wingerd geplant (die kerk) waar Hy almal (die lote) in Christus saambind om vir Hom vrug te dra.

Johannes 16: 5 - 7 en Gal. 5: 25

Ons dra vrugte vir God wanneer ons ons deur die Heilige Gees laat lei!

Galasiërs 5: 13 - 26

Die eerste vrug van die Gees: om God se **liefde** vir ander mense te gee.

Johannes 16: 16 - 24 en Romeine 5: 1 - 11

Die tweede vrug van die Gees is om ware lewens**vreugde** in die Here te hê.

Handelinge 2: 1 - 21; Filippense 4: 2 - 9

Die derde vrug wat die Gees in my werk is dat die **vrede** van my herstelde verhouding met God my lewe vul en en my tot 'n vredemaker verander.

Eks 34: 4 - 10 / Efes. 4: 1 - 6 / Kol. 3: 12 - 14 en Gal. 5: 22

Die vierde vrug van die Gees is dat Hy jou herinner aan God se **geduld** met jou sodat jy ook geduldig is.

Lukas 6: 27 - 36 / Titus 3: 3 - 7 en Gal. 5: 22

Die vyfde vrug van die Gees: Christus is die "**Vriendelikheid**" van God waarmee Hy my kom dien het sodat die Gees 'n vriendelike, sagte aanvoeling van diens aan ander in my kom werk.

Die sesde vrug van die Gees: God vul ons oorvloedig in Christus en die Gees sodat ons met **goedhartige** oorvloed kan uitdeel.

Die sewende vrug van die Gees: Om **getrouheid** aan God en **betroubaarheid** teenoor mense in ons lewens vas te lê.

### VERJAARSDAE

Baie geluk aan almal wat DV hierdie week verjaar!

#### Sondag, 20 Augustus

Sr Rina Seyffert

#### Dinsdag, 22 Augustus

Br AJ van Niekerk

#### Woensdag, 23 Augustus

Br Fanie Prinsloo

Sr Elmien Rood

Br Harmen Wijnberg

#### Saterdag, 26 Augustus

Sr Estette Bredenkamp

\* Lidmate met spesiale verjaarsdae – 75 jaar en ouer

## AMANDELBLOEISELS:

**23 Augustus 2023**

Liewe vriende en geloofsgenote, kom en geniet 'n heerlike kuiertjie hier in die stuiptrekkings van die winder saam met vriende en geloofsgenote op Woensdag 23 Augustus om 10:00 by die Skuur.

Die alombekende spreker en kunstenaar Paul Schutte gaan met ons kom gesels oor sy pragtige kwiltwerk. Hy is 'n ware kunstenaar en van sy kwilte is al in verskeie oorsese en plaaslike uitstallings ingesluit. Hy is boonop ook 'n woordkunstenaar (en het ook vele musikale talente, onder andere!) en dit gaan 'n fees wees om na sy bespreking en vertelling te luister.

Agterna gaan ons heerlik saamkuier oor 'n drinkdingetjie en verversings.

Ons sien baie daarna uit om weer saam met almal te kuier. Moenie hierdie interessante byeenkoms misloop nie – jy gaan beslis baie mis!

### **DATUM OM TE ONTHOU! DANKBAARHEIDSFEEES – 28 OKTOBER**

Die Diakonie nooi die hele gemeente nou reeds uit na 'n

heerlike fees, Saterdag 28 Oktober!

Ete sal vroeg gereed wees om nie in te meng met rugby-tyd nie!

Soos vorige jare benodig ons weer skenkings, skakel Riaan vd Walt (082 784 9215) as jy hiermee kan help.

## GKSA-NUUS

Beroep ontvang

Proponent MD (David) Letebele na GK  
Ikageng as tweede leraar met  
sendingopdrag.

## KENNISGEWINGBORD

- Tuinwoningstel te huur: Kontak Pieter de Villiers 082 366 0446
- Massa Mannesang, 20 Aug te Miederpark Kerkgebou

**BAIE DANKIE AAN ONS BORG DIE  
WEEK!**



*Potch* DRUM SERVICES  
**DROMDIENSTE**

**SLEGS R85 P/MAAND  
ONLY R85 P/MONTH**

**TUINVULLIS VERWYDERING  
GARDEN REFUSE REMOVAL**

Dienste per week sluit in:

- Leeg maak van drom
- Drie swartsakke
- OF slegs vyf swartsakke (GEEN drom)

**PENSIONARISSE**

**25% afslag!!**

Services per week includes

- Emptying of drum
- Three refuse bags
- OR five refuse bags only (NO drum)

**PENSIONERS**

**25% discount!!**



**MARINUS 071 369 7866**



# SUSTERS

ROM. 1:16 “EK SKAAM MY NIE OOR DIE EVANGELIE NIE, WANT DIT IS ‘N KRAG VAN GOD TOT REDDING VAN ELKEEN WAT GLO.”

## SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die “Zapper App” aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



## TEESKINK-GELEENTHEID



Koffie, tee en koeldrank vandag in die Skuur na die oggenddiens.

Baie dankie aan groepsusters en hul groepe wat vandag hiermee help:

Christelle Vorster en groep 2, Ria Robberts en groep 10, Marna Naudé en groep 19, asook Iana Laufs en groep 28.

## SUSTERSBYDRAE en BLIKKIES-WARMHARTE

- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in ‘n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan.
- Die susters se fondse word uit elke suster se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

Dankie vir die susters wat op gereelde basis ‘n bydrae vir hierdie werk gee.

## KANSA-PROJEK



*Liewe suster, soos jy reeds weet ondersteun ons gemeente jaarliks vir KANSA. Ons wil steeds hierdie jaar probeer om hulle te ondersteun. Indien jy, familie of vriende tot hierdie projek wil bydra kan jy gerus jou donasie aan die kerk oorbetaal met verwysing "KANSA" sodat ons weet om die geld aan hulle oor te betaal.*

## NAGMAALETE: 17 SEPTEMBER



Anna Smith en die susters van Blok B herinner u dat ons op 17 September 'n heerlike nagmaalete het! Hou hierdie datum reeds oop vir 'n piekniek buite onder die bome. Hulle benodig 'n hele paar gazebo's. Indien iemand daarmee kan help, skakel asb. die kerkkantoor.

## KWARTAALPROGRAM

DERDE KWARTAAL				
DATUM	DAG	TYD	WIE	WAT
Jul-Aug	-	-	Almal	Kansaprojek
10-Sep	Sondag	19:00	Blok A	Ouderlingverversings
17-Sep	Sondag	12:00	Blok B	Nagmaalete
26-Sep	Dinsdag	18:30	Blok C	Potch-Oos Sustersafsluiting
2-6 Okt	Week	10:00 en 12:00	Almal	Kinderfees



# Oosdoppertjie-Jeugbediening

## 1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

## 2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

## ALGEMENE INLIGTING



### LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

## KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

## BANKBESONDERHEDE

**Geref. Kerk Potchefstroom-Oos**  
ABSA Bank  
Tjekrek: 670 340 066  
Takkode: 632-005

**Diakonie**  
ABSA Bank  
Tjekrek: 670 280 160  
Takkode: 632-005

**Susters**  
Capitec Bank  
Spaarrek: 145 652 5695  
Takkode: 470-010